



# Etnedal kommune

Plan og teknisk

Bergene Anlegg As  
Etnedalsvegen 2296  
2890 ETNEDAL

## Administrativt vedtak

|                    |                  |                  |                             |                  |
|--------------------|------------------|------------------|-----------------------------|------------------|
| <b>Deres ref.:</b> | <b>Vår ref.:</b> | <b>Arkivsak:</b> | <b>ArkivID:</b>             | <b>Vår dato:</b> |
|                    | SAGKAR - 26/3456 | 26/645           | GBNR-<br>141/11, K2-<br>M55 | 01.07.2026       |

| Saksnr. | Utvalg        |
|---------|---------------|
| 104/26  | Kommunestyret |

## Vedtak om utsleppsløyve - gnr 141 bnr 11 - Espelibygde 272 og 274

Tiltak: Avløpsanlegg  
Byggested: Gbnr: 141/11 Espelibygde 272 og 274  
Tiltakshaver: Jon Olav Espeliødegård  
Ansvarlig søker: Va - Prosjekt & Anlegg As

### Vedtak

Etnedal kommune godkjenner etablering av avløpsanlegg og utslepp av sanitært avløpsvatn på gnr. 141, bnr. 11. Avløpsanlegget skal etablerast i tråd med *Forskrift om utslipp av avløpsvann fra avløpsanlegg som ikke overstiger 50 pe, Etnedal kommune*.

Utsleppsløyvet gjeld frå vedtaksdato og er gitt med heimel i forureiningsforskrifta § 12-5. Løyve til bygging av avløpsanlegget er gitt med heimel i plan- og bygningslova kapittel 20.

Avløpsanlegget skal bestå av:

- Slamavskiljar for totalavløp på minimum 7 m<sup>3</sup>.
- Infiltrasjonsgrøft med infiltrasjonskammer, 25 meter lengde.

Anlegget skal dimensjonerast for 10 pe, tilsvarande to bustadhus med innlagt vatn og vassklosett.

### Vilkår for løyva

- Avløpsanlegget skal etablerast i samsvar med forureiningsforskrifta §§ 12-7 til 12-13 og søknadsdokumentasjonen.
- Anleggseigar er ansvarleg for forureining frå anlegget.
- Slamavskiljaren skal registrerast i Valdres Kommunale Renovasjon sitt tømmesystem og tømmast etter gjeldande tømmerutinar.

**Besøksadresse:**  
Kyrkjevegen 10

**Postadresse:**  
2890 Etnedal

**Telefon:**  
61 12 13 00

**Organisasjonsnummer:**  
933 038 173

**E-mail:** postmottak@etnedal.kommune.no  
**www.etnedal.kommune.no**

- Tilkomst for tømming må vere sikra, jf. krav til køyreveg, avstand og høgdeforskjell.
- Ferdigmelding skal sendast kommunen før anlegget blir teke i bruk.
- Kommunen kan krevje tilkopling til offentleg vatn- og avløpsanlegg dersom dette blir tilgjengeleg i området.
- Løyvet fell bort dersom arbeidet ikkje er sett i gang innan tre år eller blir stansa i meir enn to år.

Som ansvarleg søker er VA Prosjekt & Anlegg AS, org.nr. 915 965 512, ansvarleg for samordning av dei ulike oppgåvene knytt til tiltaket, og skal sjå til at alle oppgåver er belagt med ansvar.

## **Saksopplysninger**

### Lovgrunnlaget

Vedtaket er gjort med heimel i forureiningsforskrifta § 12-5, lokal forskrift om utslepp frå mindre avløpsanlegg i Etnedal kommune og plan- og bygningslova § 20-1.

### Informasjon om saka

VA Prosjekt & Anlegg AS søker på vegner av Jon Olav Espeliødegård om utsleppsløyve for utskifting av eksisterande avløpsanlegg på gnr. 141, bnr. 11, Espelibygde 272 og 274.

Det eksisterande avløpsanlegget skal erstattast med nytt anlegg beståande av:

- slamavskiljar på minimum 7 m<sup>3</sup>,
- infiltrasjonsgrøft med infiltrasjonskammer på 25 meter.

Avløpsanlegget er dimensjonert for inntil 10 pe og om lag 2 000 liter avløpsvatn per døgn, tilsvarende avløp frå to bustadhus. Infiltrasjonstest utført 18.06.2026 viser gode infiltrasjonsforhold i morenemassar på den aktuelle lokaliteten. Det er opplyst at det ikkje finst registrerte drikkevassbrønner innanfor påverknadsområdet.

VA Prosjekt & Anlegg AS, org.nr. 915 965 512, erklærer ansvarsrett for SØK og PRO.  
Bergene Anlegg As, org.nr.: 919 255 684, erklærer ansvarsrett for UTF.

Tiltaket er nabovarsla utan innvendingar frå varsla partar.

## **Grunngjeving**

Det er søkt om utsleppsløyve for fornying av eksisterande avløpsanlegg til to eksisterande bustadhus. Løyvet er vurdert med heimel i forureiningsforskrifta kapittel 12, lokal forskrift for mindre avløpsanlegg, naturmangfaldlova §§ 8–12, vassforskrifta § 12, kulturminnelova § 3 og plan- og bygningslova kapittel 27 og 30.

### Arealbruk og lokalisering

Eigedomen er allereie utbygd med to bustadhus. Det nye avløpsanlegget skal etablerast på eigen eigedom søraust for bustadhusa som erstatning for eksisterande anlegg.

DOK-analysen frå 01.07.2026 viser ikkje konflikt med registrerte naturtypar, prioriterte artar, naturvernområde eller registrerte kulturminne. Eigedomen ligg innanfor eit kartlagt stort turområde utan tilrettelegging og innanfor nedbørsfelt til verna vassdrag. Etablering av nytt

avløpsanlegg ved eksisterande bustader blir likevel ikkje vurdert å medføre vesentleg negativ påverknad på desse interessene.

#### Vegtilkomst og tilgjenge for tømning

Etter visuell vurdering av kartgrunnlaget er det etablert køyreveg fram til eigedomen.

For å oppfylle krava i forskrift om tømning og tilsyn av mindre avløpsanlegg i Valdres skal:

- det vere køyrbar veg fram til slamavskiljaren,
- avstanden frå oppstillingsplass for tankbil til slamavskiljaren ikkje overstige 15 meter,
- høgdeforskjellen ikkje overstige 5 meter.

Tiltakshavar har ansvar for at desse krava er oppfylte ved ferdigmelding.

#### Naturmangfald (nml. §§ 8–12)

Kommunen vurderer kunnskapsgrunnlaget etter naturmangfaldlova § 8 som tilstrekkeleg. Det er ikkje registrert naturtypar eller artar med særleg verneverdi innanfor tiltaksområdet. Førre-var-prinsippet i naturmangfaldlova § 9 tilseier derfor ikkje at tiltaket skal avslåast.

Det er heller ikkje dokumentert forhold som tilseier at tiltaket vil medføre uakseptabel samla belastning på økosystemet, jf. naturmangfaldlova § 10.

#### Vassmiljø og kulturminne

Avløpet skal rensast gjennom slamavskiljar med etterfølgjande infiltrasjon i stadlege massar. Infiltrasjonstest utført på eigedomen viser gode infiltrasjonsforhold. DOK-analysen viser morenemassar med middels infiltrasjonsevne, og kommunen legg størst vekt på den stadlege grunnundersøkinga som ligg til grunn for prosjekteringa. Anlegget er dimensjonert for 10 pe og tilfredsstiller krava til renseeffekt i forureiningsforskrifta kapittel 12.

Det er ikkje registrert automatisk freda kulturminne eller drikkevasskjelder innanfor påverknadsområdet. Tiltaket blir derfor vurdert å kunne gjennomførast utan vesentleg risiko for skade på vassmiljø eller kulturminne.

Tiltaket er elles vurdert å ikkje vere i strid med friluftsliv eller andre allmenne interesser.

#### **Gebyr**

Tiltakshavar skal betale eit gebyr på kr 6500,- for handsaming av søknad om utsleppsløyve, jf. Etnedal kommune sitt gjeldande gebyrregulativ.

#### **Høve til å klage**

Vedtaket er fatta i medhald av delegasjonsreglementet, og kan i medhald av forvaltningslova §§ 28–36 klagast på. Klagefristen er tre veker frå den dagen vedtaket er gjort kjent for dykk. Klaga skal sendast skriftleg til Etnedal kommune. Dersom kommunen ikkje tek klaga til følge, blir saka sendt til klageinstansen for endeleg avgjerd. Du har rett til å gjere deg kjend med sakas dokument etter forvaltningslova §§ 18 og 19.

Med helsing

Kari-Elin Solberg Saglien  
Rådgiver

**Etter våre rutiner er dette dokumentet godkjent og sendt uten underskrift.**